

Tilskott til lokale lyd- og bildemedium 2019

Søknadsfrist 2. november 2018

Med føresetnad om Stortingets budsjettvedtak kunngjer vi tilskott til lokale lyd- og bildemedium for 2019.

Tilskottsordninga har som hovudmål å bidra til mediemangfald, ytringsfridom og å styrke den demokratiske funksjonen til dei lokale lyd- og bildemedia i samfunnet.

Regjeringa har en målsetning for denne tilskottsordninga at den skal bidra til digitaliseringa av lokalradio i Norge, og derfor øyremerkast omlag halvparten av midlane til dette formålet.

Programproduksjonar og utviklingsprosjekt som stimulerer til bruk av norsk musikk vil bli prioriterte.

Målgruppe

Lokalkringkastingskonsesjonærar og registrerte kringkastarar som hovudsakleg tilbyr innhald retta mot eit lokalt publikum, kan få tilskott. I tillegg er det ein søknadskategori for nasjonale samanslutningar for lokale lyd- og bildemedium og ein for anleggskonsesjonærar i digitale lokalradionett.

Til orientering omfattar stønadsordninga *ikkje* reine audiovisuelle bestillingstenester og podkstar, det vil seie ei teneste som lyttar eller sjåar sjølv må hente opp og avgjer tidspunktet for å sjå eller høyre på. Det er likevel ingenting i vegen for at ein lokalkringkastingskonsesjonær eller ein registrert kringkastar som søker, *i tillegg* kan distribuere innhaldet sitt gjennom ein audiovisuelle bestillingsteneste eller podkast.

Type tilskott

1. Investeringstilskott til digitalisering av lokalradio
2. Driftstilskott til nasjonale samanslutningar for lokale lyd- og bildemedium
3. Driftstilskott til lokalradioar for etniske og språklege minoritetsgrupper
4. Prosjekttilskott til lokale programproduksjonar
5. Prosjekttilskott til kompetansehevande tiltak
6. Prosjekttilskott til utviklingsprosjekt

1. Investeringstilskott til digitalisering av lokalradio

a) Investeringstilskott til bygging av digitale radionett

Berre anleggskonsesjonærar for lokale og digitale kringkastingsnett kan søke om investeringstilskott i denne søknadskategorien. Anleggskonsesjonærar som tilbyr eller kan inngå langsiktige og forpliktande leigeavtalar, vil bli prioriterte.

Vi vil prioritere prosjekt som:

- inkluderer eit mangfald av lokalradioar i regionen
- satsar på utbygging i område med avgrensa kommersielt utbyggingsgrunnlag
- satsar på samarbeid mellom anleggskonsesjonærar og lokale radiostasjonar
- har gode dekningsambisjonar og har konkrete og realistiske planar for gjennomføring

b) Investeringstilskott til digitalisering av lokalradiostasjonar

Berre lokalkringkastingskonsesjonærar og registrerte kringkastarar kan søke om investeringstilskott i denne søknadskategorien. Investeringstilskott kan blant anna nyttast til leigeforpliktingar/avtale om sending i eit digitalt lokalt radionett (sjå pkt. a).

Vi vil prioritere prosjekt som har:

- gode planar for samarbeid med anleggskonsesjonærar
- konkrete og realistiske planar for gjennomføring

2. Driftstilskott til nasjonale samanslutningar for lokale lyd- og bildemedium

Følgande generelle kriterium vil bli lagt vekt på ved behandling av søknader om tilskott:

- Tal på medlemmer
- Eigarmessig mangfald blant medlemmene
- Organisasjonen sitt aktivitetsnivå basert på budsjett og dokumenterte aktivitetar

Du som søker om driftstilskott skal legge ved:

- rekneskap for 2017 (ev. for 2018 om det er ferdig)
- budsjett for 2019
- fullstendig søknad/prosjektframstilling

3. Driftstilskott til lokalradioar for etniske og språklege minoritetsgrupper

For å få driftstilskott er det eit vilkår at radioen i all hovudsak rettar seg mot etnisk-språklege minoritetar. Kvalifiserte radioar kan få eit minimumstilskott på 25 000 kroner. Tilskottet skal maksimalt utgjere 50 prosent av dei totale inntektene til radioen baserte på rekneskapen for i fjor. Du som søker om driftstilskott skal legge ved:

- rekneskap for 2017 (ev. for 2018 om det er ferdig)
- budsjett for 2019

Ein radio kan maksimalt få 50 000 kroner per tilskottsår i denne søknadskategorien.

4. Prosjektilskott til lokale programproduksjonar

Berre lokalkringkastingskonsesjonærar og registrerte kringkastarar kan søke om tilskott til programproduksjonar. Programproduksjon som inngår som ein del av den løpande programverksemda, vil normalt ikkje inngå i denne tilskottsordninga. Med det meiner vi faste programpostar, nyheiter og liknande. Tilskott kan bli gitt til dokumentarar, seriar i ulike sjangrar, høyrspel, underhaldning, konkurransar og liknande som er lokalt forankra. Ein programproduksjon kan maksimalt få 250 000 kroner per prosjekt per tilskottsår i denne søknadskategorien.

Nyskapande idéar og programproduksjonar som stimulerer til bruk av norsk musikk vil bli prioriterte.

5. Prosjektilskott til kompetansehevande tiltak

Berre lokalkringkastarar eller registrerte kringkastarar kan få tilskott til kompetansehevande tiltak. Målet er at det kompetansehevande tiltaket skal tilføre organisasjonen kvalitetsmessige forbetringar. Tilskott kan for eksempel gå til kurs, studiereiser og seminarverksemd. Det kan maksimalt bli gitt 100 000 kroner per prosjekt per tilskottsår i denne søknadskategorien.

Søknader om kvalitetsmessige forbetringar innan journalistikk, mediekompetanse, teknisk kompetanse og liknande vil bli prioriterte.

6. Prosjektilskott til utviklingsprosjekt

Berre lokalkringkastingskonsesjonærar og registrerte kringkastarar kan søke om stønad til denne tilskottskategorien. Med utviklingsprosjekt meiner vi tiltak som stimulerer til aktivitet som aukar den programmessige kvaliteten og bredda. Dette inkluderer blant anna:

- organisasjonsutvikling
- utvikling av nye lokale programkonsept
- utvikling av nye redaksjonar
- ulike samarbeidstiltak – blant anna vil samarbeidsprosjekt mellom ulike stasjonar bli vurderte positivt

Eit prosjekt kan maksimalt få 100 000 kroner per tilskottsår i denne søknadskategorien, og prosjektet skal på sikt kunne bli drive uavhengig av stønad frå Medietilsynet.

Nyskapande idéar vil bli prioriterte, og utviklingsprosjekt som stimulerer til bruk av norsk musikk vil bli prioriterte.

Søknadsskjema og søknadsbehandling

Det elektroniske søknadsskjemaet vil du finne på våre nettsider frå 20. september. Før du logger deg inn på søknadsskjemaet bør du ha følgjande klart:

- konsesjons- eller registreringsnummer dersom du er kringkastar
- organisasjonsnummer
- fullstendig søknad/prosjektframstilling
- budsjett og finansieringsplan

Frist for innsending er **2. november 2018**. Fullstendig søknad/prosjektframstilling og budsjett/finansieringsplan skal lastast opp i det elektroniske skjemaet.

Logg deg inn på skjemaet via ID-porten. ID-porten er ei felles innloggingsløyising til offentlege tenester på nett og tilbyr sikker innlogging ved bruk av elektronisk ID.

Meir informasjon om ID-porten finn du på <http://www.idporten.no>

Etter at vi har mottatt skjemaet og vedlegga, treff Medietilsynet vedtak etter innstilling frå Fagutvalet for tilskott til lokale lyd- og bildemedium. Søknaden blir vurdert ut frå faglege og økonomiske kriterium og blir gitt som eit rundsumstilskott, fastsette etter ei skjønsmessig vurdering av kva som er eit rimeleg bidrag frå staten. Det blir stilt krav om minimum 20 prosent eigendel. Du kan vente svar på søknaden i februar 2019.

Bagatellmessig stønad

Tilskott til lokale lyd- og bildemedium blir gitt som «bagatellmessig støtte», som er et unntak fra det generelle forbudet mot offentlig støtte i EØS-avtalen. Det rettslege grunnlaget for løyving av bagatellmessig stønad er gitt i forskrift av 14. november 2008 nr. 1213 om gjennomføring av EØS-reglar om unntak frå notifikasjonsplikt for enkelte former for offentlig stønad. Den nemnde forskrifta gjennomfører Kommisjonsforordning (EU) nr. 1407/2013, publisert i EU-tidend den 24.12.2013 (OJ L 352, 24.12.2013, s. 1-8).

For å kunne få bagatellmessig stønad, kan ikkje stønadsmottakar ha fått meir enn 200 000 euro av bagatellmessig stønad over ein periode på tre rekneskapsår, jf. forordninga sin artikkel 3 anna punkt og § 5 i forskrift om tilskott til lokale lyd- og bildemedium. I berekning av samla bagatellmessig stønad leggjast stønad fått i tilskottsåret og dei to føregåande år til grunn. Det betyr at eit føretak som blei omfatta av stønadstaket i 2018 og som vil søke om stønad frå ordninga i 2019, vil få

vurdert søknaden med bakgrunn i bagatellmessig stønad i 2019 og stønaden føretaket fekk for 2018 og 2017. Det nyttast ein fast kurs for kvart år til omrekning fra euro til norske kroner.

Medietilsynet vil ved tildeling av stønad for 2019 innhente stadfesting om føretaket har fått anna bagatellmessig stønad for årene 2019, 2018 og 2017.

[Meir informasjon om bagatellmessig stønad finn du på regjeringen.no](#)